

九、夫妻

(CD●唸誦曲目14)

/ 李勤岸

你若是美麗的島嶼
我就是圍佇¹你四周圍
永永世世
為你殷勤固守的海岸

佇東片²

我是勇壯可靠的岩岸
予你一切的躊躇恰驚惶
安心靠踫³我的肩胛⁴

佇西片

我是溫柔體貼的沙岸
寬寬仔⁵共你撫⁶共你惜
安慰你所有受傷的痕跡

我若是孤單的島嶼
你就是圍佇我四周圍

永永遠遠

恰我戀愛袂煞⁷的海洋

佇東片

你是心胸開闊的太平洋

接納我的每一條溪流

嘛接納溪流內底全部的泥沙

佇西片

你是深情的海峽

柔和閣保守

予我時常醉踫你的愛裡

愛，予咱做伙⁸

親像天親像地

遐爾⁹久遐爾長

——選自《李勤岸台語詩選》